



JAVNA DEBATA U TUZLI

Share 2

Tweet

NE diskriminaciji u BiH

Piše: BUKA (http://www.6yka.com/home/user_content/QIVLQQ==/buka) / Objavljeno: 12.05.2017. u 15:12h

Centar za kulturu dijaloga godinama promovira antidiskriminatorne politike u BiH. Godinama to radi sa mladim ljudima nastojeći potaći njihovu savjest da djeluju u skladu s mogućnostima i pomažu drugima u nevolji koju nosi diskriminacija sa sobom. U utorak, 09.05.2017. godine, Behram-begova medresa Tuzla, članica Centra za kulturu dijaloga, bila je domaćin javne debate o temi "Kako se odnosimo prema drugim nacionalnostima?".

Akcentat je bio stavljen na važnost uklanjanja svih oblika diskriminacije koji još uvijek postoje u bh. društvu. Na početku susreta srednjoškolaca je održana kratka radionica kako bi mladi bili upoznati sa pojmom diskriminacije, oblicima koji postoje kao i oblicima diskriminacije koji su zastupljeni u BiH. Nakon radionice, članovi debatnog kluba Behram-begove medrese su prezentirali pokaznu debatu o tezi „Prema drugim nacionalnostima se trebamo odnositi kao prema svojoj“. Tokom debate mladi su ukazali na osnovni problem koji su prepoznali – institucionalnu diskriminaciju koja treba biti uklonjena kako bi svi građani Bosne i Hercegovine imali ista prava.

U diskusiji nakon debate kroz koju su srednjoškolci pokazali da umiju raspoznavati oblike diskriminacije u BiH su naveli da je potrebna dodatna edukacija o ovoj temi s obzirom da postoje različiti oblici negiranja prava određenim skupinama građana. Učesnici su podcrtali važnost razgovora i uređenog dijaloga o svim temama, ali posebno o temama kojima se građani educiraju o ljudskim pravima i načinima na koje mogu ostvariti svoja prava. Tijekom ove gradske javne debate zaključeno je da je debata uvijek jedina ispravna alatka za rješavanje bilo kojeg problema jer svima dopušta da iznesu svoj argumentirani stav, ali ne dozvoljava vrijeđanje oponenta što je također jedan od problema sa kojim se suočava Bosna i Hercegovina. Naime, rasprave neistomišljenika se rijetko dešavaju u bh. medijskom prostoru i javne diskusije se uglavnom svode na razmjenu argumenata između ljudi koji imaju isti stav, a što ne može biti dobra osnova za rješavanje problema diskriminacije. Ukoliko se pak dogode javne rasprave između neistomišljenika u njima su vrlo često prisutni govor mržnje ili jezik ulice jer niti jedna od strana ne prihvaća stav koji se razlikuje od stava kojeg osobno zastupaju.

Nakon diskusije, srednjoškolci su kreirali sljedeće zaključke:

- Svi građani u BiH trebaju biti jednaki i ravnopravni, na u obliku mrtvog slova na papiru nego politike koja se mora provoditi u cijeloj zemlji kako bi se ovaj ideal postigao u najvećoj mjeri
- Sve oblike diskriminacije u BiH treba otkloniti kroz najrazličitije akcije koje se trebaju realizirati od škola do najviših instanci društva, a posebno kroz debate neistomišljenika kroz koje će direktno biti dijagnosticirani uzroci problema
- Svim građanima države u kojoj živimo treba omogućiti da ravnopravno participiraju u državnoj vlasti i upravi, a za ovaj ideal treba zagovarati kroz sve raspoložive izvore i pomoću svih raspoloživih alatki

Učešćem u ovoj javnoj debati koju su pratili i srednjoškolski profesori, mladi su pokazali da mogu biti nositelji pozitivnih promjena u bh. društvu i da su spremni boriti se za svoja prava ali i za prava svih građana, kako bi država BiH postala država jednakih a nikako ostala država „jednakijih“. Jedna od poruka

debate glašila je: o drugima treba brinuti više nego o svojoj naciji, jer se samo tako može postići i briga za nas same. Drugi nisu daleko, drugi smo mi.



Ova Interdisciplinarna javna debata realizovana je u okviru programa "Jednakost za sve - Koalicija organizacija civilnog društva u borbi protiv diskriminacije", kroz Program grantova u okviru kojeg Centar za kulturu dijaloga provodi projekat „Jednaki u različitosti“. Projekat finansiraju USAID i Fond otvoreno društvo BiH.

Komentari na tekst (0) >

Ime

E-mail

Komentar

Pošalji

Napomena:

Svi komentari se prethodno moraju odobriti od strane administratora prije nego budu vidljivi na portalu. BUKA se ograđuje od stavova i mišljenja iznesenih u komentarima postavljenih na našim stranicama. Svi stavovi i mišljenja komentatora odražavaju stavove i mišljenja isključivo onih koji ih postavljaju. Redakcija BUKA je u slučaju komentara koji izazivaju rasnu, nacionalnu ili vjersku mržnju, te potiču na nasilje dužna obavijestiti nadležne organe o takvom pristiglom komentaru.

buka

Copyright (c) Centar za informativnu dekontaminaciju mladih Banjaluka.
Sva prava zadržana. Zabranjeno preuzimanje sadržaja bez dozvole izdavača.
Web development Promotim d.o.o. (<http://www.promotim.ba>) Sarajevo